

建德縣志卷一

星野志 氣候附

九州封域各有分星休咎之占於是在焉是以保章辨土載在春官史墨知興詳於左氏昭昭在上修政者所必稽也建德一邑上值不過分秒而機祥所主書有明徵今輯天文附以氣候庶以便觀省云爾志星野

星野

周禮春官保章氏以星土辨九州之地所封封域皆有分星

以觀祆祥註星土星所主土也封猶界也大界則曰九州州中諸國中封域於星亦有分焉其十二次

建德縣志

卷一

星野

一

之分星紀吳越也

爾雅星紀斗牽牛也

註牽牛斗者日月五星之所終始故謂之星紀

左傳昭公三十二年夏吳伐越史墨曰不及四十年越其有

吳乎越得歲而吳伐之

註此年歲在星紀吳越之分也歲星所在其國有福疏天文分野斗

主吳牽牛主越此年歲星在牽牛

廣雅斗牽牛嬖女吳

春秋元命苞牽牛流為揚州分為越國

此又不及斗嬖女

越絕書越故治今大越山陰南斗也吳故治西江都牛須女也

吳越春秋吳與越同音其律上合星宿下共一理

史記天官書南斗其北建星牽牛其北河鼓婺女其北織女

索隱日須女謂之務女或作婺正義日須女四星亦婺女南斗牽牛須女皆為星紀於辰在丑越之分野而斗牛為吳之分野也

漢書天文志斗江湖牽牛婺女揚州

漢書天文志孝景二年十二月水火合於斗斗吳也又為粵

元鼎中熒惑守南斗南斗越分也

漢書地理志吳地斗分壑也今之會稽九江丹陽豫章廬江

廣陵六安臨淮郡盡吳分也粵地牽牛婺女之分壑也今

建德縣志

卷一

星野

之蒼梧鬱林合浦交阯九真南海日南皆粵分也

按浙江通志謂浙江地西漢屬會稽郡者十之八屬丹陽郡者十之二未分置吳郡故班固云然其以兩郡屬斗分與今測合

續漢書郡國志注帝王世紀曰黃帝受命乃推分星次以定

律度自斗十度至婺女七度一名須女日星紀之次於辰

在丑謂之赤奮若於律為黃鐘斗建在子今吳越分野

續漢書律歷志注月令章句曰自斗六度至須女二度謂之

星紀之次越之分野

晉書天文志自南斗十二度至須女七度為星紀於辰在丑

吳越分野屬揚州

費直起斗十度
蔡邕起斗六度

〔晉書天文志〕斗牽牛須女吳越揚州丹陽入斗十六度會稽

入牛一度

〔唐書天文志〕南斗在雲漢下流當淮海間為吳分牽牛去南

河寢遠自豫章迄會稽南逾嶺徼為越分 又曰南斗牽

牛星紀也

按漢晉隋星紀皆兼斗牛
女三星此遺婺女與前異

〔宋史地理志〕兩浙路當天文南斗須女之分

按隋取南斗牽牛退須女此
又取須女退牽牛與前異

建德縣志

卷一

星野

三

〔天文秘訣〕南斗牽牛星紀之次初斗十一度外末女七度內

於分為吳越於辰在丑於野在揚兩浙之蘇秀湖杭常潤

明越睦處溫台衢婺皆吳越之分也天市垣吳越去極七

十八度入九度皆入牛宿十二諸國越距西星去極二十

三度入斗四度

〔元史〕斗四度三十六分六十六秒外入吳越分星紀之次

〔明一統志〕嚴州牛女分野

〔萬歷嚴州府志〕嚴州清類分野書自斗三度至女一度屬吳

越分揚州而一統志亦謂天文牛女分野戴槐志涪安謂

去會稽六百餘里范蠡鬼谷諸人以會稽入牛一度則涓安尚未入牛當如宋史所云南斗須女之分似爲有據康熙舊志謂舊郡治在涓安之雉山故云

丙緯秘言牛三度嚴州府建德涓安桐廬三縣入三分之四女初度嚴州府遂安壽昌分水入八分之四

舊浙江通志古測嚴州牛女分野今測嚴州斗三度

藏書集要嚴陵嚴州府斗十三度丑宮

浙江通志星紀主吳越從來皆以斗牛女遞推之今考兩漢於越皆以斗爲占斗一度直二百五十里則一千里歷四

建德縣志

卷一

星野

四

度浙止一千七百餘里不及漢會稽之半其皆屬於斗審

矣節錄

道光志歷代天官家遞相推測其言互有異同或以吳越爲牛女分屬或以吳越均屬斗分古測今測遂判若河漢要之吳越爲星紀之次分野屬丑古今不易也康熙舊志謂今建德當如宋史所云南斗須女之分乾隆邑志又謂斗之會稽當專以吳地言越地所主在牛宿嚴郡建德故越地實牛宿主之惟府志謂嚴州入斗三度與今測符合云

氣候附

漢書揚越之地少陰多陽其人疏理其性能暑能讀耐

舊志建邑氣候流水不冰春芽易發有類省垣雖山高水深

無海氛之苦而四五月或霖雨連綿則有山水暴漲之患

南路近蘭谿地氣稍煖常以春社後浸穀種秋收亦早東
西路次之北路山高水冷則以清明日浸穀種秋收亦遲
老農占歲課晴雨方言曰立春晴一日農夫不用力耕田
又曰清明要明穀雨要雨又曰芒種無雨空種田

插秧以芒種日爲限常曰芒種插秧如爭過橋過此節則
薄收

過芒種入霉諺云一日芒種二日霉又曰芒種後逢壬入
霉逢庚出霉若六月霪雨則謂之倒黃霉

以春雪占大水百二十日爲期頗驗

建德縣志

卷一

星野

五

以五月二十日爲分龍日不宜雨常曰二十分龍念一雨
則歲不旱

詩云七月流火九月授衣鄉民不知列宿以大火房心尾
三宿訛爲老人星夏日昏時見其西流相傳爲老人拜新
米則禾熟時也

冬至後則數九以十九爲煖期則春分矣

飲食宜煖不宜冷春秋夏三時乍寒乍熱最難調理陶隱
居曰若要安樂急脫急著勝似服藥南方語也

按舊志云氣候冷煖不齊農功緩急亦異治民者四境周
知三時不害有輔相之宜焉非特慎寒暑節飲食已也